

#1: ყოვლისმომცველი სამოქმედო გეგმის შემუშავება ევროკავშირთან ასოცირების შესახებ შეთანხმების თანახმად

პასუხისმგებელი სტრუქტურა: სახელმწიფო შესყიდვების სააგენტო

შესრულების მაჩვენებელი: საქართველოსა და ევროკავშირს შორის ასოცირების შესახებ შეთანხმება ითვალისწინებს სახელმწიფო შესყიდვების კანონმდებლობის ევროკავშირის შესაბამის კანონმდებლობასთან ეტაპობრივ დაახლოებას. ეტაპობრივი დაახლოების იმპლემენტაციის მიზნით შემუშავდება ყოვლისმომცველი სამოქმედო გეგმა ასოცირების შესახებ შეთანხმების შესაბამისად.

პერიოდი: 2015 წელი (მეორე კვარტალი)

პროგრესი: „სახელმწიფო შესყიდვების შესახებ“ საქართველოს კანონის მე-5 მუხლის პირველი პუნქტის „ბ“ ქვეპუნქტის საფუძველზე, სახელმწიფო შესყიდვების სააგენტოში შეიქმნა საქართველოს ევროკავშირში ინტეგრაციის ყოვლისმომცველი სამოქმედო გეგმის შემუშავებელი სამუშაო ჯგუფი, სააგენტოს თავმჯდომარეს მოადგილის ზ.ნანობაშვილის ხელმძღვანელობით. ამჟამად განხორციელებულია ამ სამოქმედო გეგმის შემუშავების პირველი ეტაპი; კერძოდ, სახელმწიფო შესყიდვების სააგენტოს მოთხოვნით მოხდა SIGMA-ს (ევროკავშირისა და OECD ერთობლივი ინიციატივა) ტექნიკური დახმარების ინიცირება. ტექნიკური დახმარება ითვალისწინებდა ყოვლისმომცველი სამოქმედო გეგმის შემუშავების მხარდაჭერას. აღნიშნული დახმარების ფარგლებში 2014 წელს უკვე განხორციელდა სახელმწიფო შესყიდვების საქართველოში არსებული სისტემის, არსებული პრაქტიკის, რეგულაციებისა და კანონმდებლობის შესაბამისობის ანალიზი DCFTA-ს მიერ გათვალისწინებულ სახელმწიფო შესყიდვების ძირითად სტანდარტებთან და ევროკავშირის შესაბამის დირექტივებთან. აღნიშნული წარმოადგენს სამოქმედო გეგმის შემუშავების პროცესის პირველ ეტაპს. კომპლექსური ანალიზის საფუძველზე მარეგულირებელი და ინსტიტუციური ცვლილებების საჭიროებების განსაზღვრა და შესაბამისი ღონისძიებების ჩამოყალიბება მოხდება ყოვლისმომცველ სამოქმედო გეგმაში 2015 წლის ბოლომდე. ამ ეტაპზე სახელმწიფო შესყიდვების სააგენტო აქტიურად მუშაობს დონორებთან (UNDP, GIZ) საკონსულტაციო დახმარების ფარგლებში დაფინანსების მოსაპოვებლად, სამოქმედო გეგმის შემუშავებაში საერთაშორისო ექსპერტის (შესაბამისი კვალიფიკაციის ერთი ევროპელი ექსპერტის ჩართვის) უზრუნველყოფის მიზნით. გარდა ამისა, SIGMA-სთან მოლაპარაკების შედეგად, რომელიც გაიმართა 2015 წლის ივნისში, მოხდა შეთანხმება SIGMA-სთან შემდგომი თანამშრომლობის გაგრძელებაზე. კერძოდ, SIGMA ასევე ტექნიკური დახმარების ფარგლებში მოახდენს DCFTA-თ გათვალისწინებული სამოქმედო გეგმის განხილვას/გადახედვას/რედაქტირებას. ასევე SIGMA-ს მიერ მოხდება სახელმწიფო შესყიდვების სააგენტოს წამყვან თანამშრომელთა კვალიფიკაციის ამაღლება სამოქმედო გეგმის იმპლემენტაციის ხელშეწყობის მიზნით, მათ შორის ევროკავშირის საუკეთესო პრაქტიკის გაზიარების გზით.

#2 : შემსყიდველი ორგანიზაციების შესაბამისი თანამშრომლების კვალიფიკაციის ამაღლება

პასუხისმგებელი სტრუქტურა: სახელმწიფო შესყიდვების სააგენტო

შესრულების მაჩვენებელი: სახელმწიფო შესყიდვების გარემოს გაჯანსაღების, აგრეთვე 4420 შემსყიდველ ორგანიზაციაში საჯარო შესყიდვების კვალიფიციური სპეციალისტების გაზრდის უზრუნველსაყოფად სახელმწიფო შესყიდვების სააგენტოს სასწავლო ცენტრში შემსყიდველი ორგანიზაციების შესაბამისი თანამშრომლებისათვის სპეციალიზებული ტრეინინგების ციკლის ჩატარება. სააგენტომ 2014 წლის 15 ოქტომბერს გახსნა სასწავლო ცენტრი. პირველ ეტაპზე, 2014 წლის განმავლობაში, სააგენტოში გადამზადდება ადგილობრივი თვითმმართველობის ორგანოების 90 მეტი წარმომადგენელი. 2015 წელს, სააგენტო გეგმავს სასწავლო ცენტრის ბენეფიციართა წრის გაფართოებას, როგორც ადგილობრივი თვითმმართველი ერთეულების, ასევე ცენტრალური ხელისუფლების წარმომადგენელთათვის და სხვა სამართლებრივი ფორმის მქონე შემსყიდველი ორგანიზაციებისათვის.

პერიოდი: 2015 წელი (მეორე კვარტალი)

პროგრესი/მიმდინარე: შემსყიდველი ორგანიზაციების შესაბამისი თანამშრომლების (მ.შ. სატენდერო კომისიების წევრების და აპარატის) კვალიფიკაციის ამაღლების მიზნით, სახელმწიფო შესყიდვების სააგენტოს სასწავლო ცენტრში სახელმწიფო სტრუქტურების წარმომადგენლებს ჩაუტარდა „სახელმწიფო შესყიდვების კურსი“. უნივერსალურობიდან გამომდინარე, სასწავლო კურსი განკუთვნილია მათთვის, ვინც ახორციელებს სახელმწიფო შესყიდვებს ნებისმიერ შემსყიდველ ორგანიზაციაში და სურს აიმაღლოს კვალიფიკაცია. ტრეინინგის მონაწილეები იყვნენ სამინისტროების, სსიპ-ების, ააიპ-ების, თბილისის მერიის და გამგეობების, ქვეყნის სხვა მუნიციპალიტეტების, ასევე საჯარო სკოლების თანამშრომლები. 2015 წლის აპრილიდან ივნისის ჩათვლით ტრეინინგი გაიარა სხვადასხვა შემსყიდველი ორგანიზაციების 112 თანამშრომელმა, ხოლო ჯამში სასწავლო ცენტრის დაარსების დღიდან (2014 წლის ოქტომბრიდან) მოყოლებული 337 პირმა.

#3 : სახელმწიფო შესყიდვების სააგენტოს თანამშრომელთა კვალიფიკაციის ამაღლება

პასუხისმგებელი სტრუქტურა: სახელმწიფო შესყიდვების სააგენტო

შესრულების მაჩვენებელი: სახელმწიფო შესყიდვების სააგენტოს თანამშრომელთა კვალიფიკაციის ამაღლების სფეროში, ევროკავშირის წევრი და სხვა მოწინავე ქვეყნების კანონმდებლობის საუკეთესო პრაქტიკასთან ეტაპობრივი დაახლოების მიზნით, სხვადასხვა ქვეყნების პრაქტიკის გაცნობა და გამოცდილების გაზიარება სასწავლო ვიზიტების გზით. ასევე მონიტორინგის განხორციელების და ელექტრონული სერვისების შემდგომი განვითარების კუთხით, სააგენტოს თანამშრომლებისათვის

სასწავლო კურსების და გაცნობითი ხასიათის ვიზიტების ორგანიზება, ასევე საერთაშორისო სემინარებში და კონფერენციებში მონაწილეობის მიღება.

პერიოდი: 2015 წელი (მეორე კვარტალი)

პროგრესი: 2015 წლის მეორე კვარტალში სახელმწიფო შესყიდვების სააგენტოს IT დეპარტემენტის სისტემურმა ადმინისტრატორმა გაიარა კვალიფიკაციის ამაღლების კურსები. კერძოდ, კომპანია HTS-ის მიერ ჩატარებული ტრენინგი veeam backup-ის შესახებ და კომპანია Symantec-ის კურსი თემაზე “Symantec Backup Exec” .

სახელმწიფო შესყიდვების სააგენტოს ხელმძღვანელობამ და 15-მდე თანამშრომელმა მონაწილეობა მიიღეს საჯარო შესყიდვების სფეროში მე-11 საერთაშორისო, ცოდნის გაზიარების ყოველწლიურ ფორუმში (ppkef2015.spa.ge), ქ. ბათუმში. ფორუმს, სააგენტოსთან ერთად ორგანიზება გაუწია შემდეგმა საერთაშორისო საფინანსო ინსტიტუციამ: მსოფლიო ბანკი (The World Bank), აზიის განვითარების ბანკი (ADB), ევროპის რეკონსტრუქციისა და განვითარების ბანკი (EBRD), ისლამური განვითარების ბანკი (ISDB), ასევე ევროპის საინვესტიციო ბანკი (EIB), ეკონომიკური თანამშრომლობისა და განვითარების ორგანიზაცია (OECD) და SIGMA.

#4 : მიმწოდებელი ბიზნეს-ორგანიზაციებისათვის საინფორმაციო კამპანიის წარმოება

პასუხისმგებელი სტრუქტურა: სახელმწიფო შესყიდვების სააგენტო; მსოფლიო ბანკი

შესრულების მაჩვენებელი: ქვეყანაში ეკონომიკური განვითარების და დასაქმების ხელშესაწყობად, სახელმწიფო შესყიდვების გარემოს გაჯანსაღების, ბიზნეს-სექტორის მეტი ჩართულობის, კონკურენციის განვითარების მიზნით, აგრეთვე თითქმის 23,000 მიმწოდებელ ორგანიზაციაში ინფორმირებულობის უზრუნველსაყოფად საინფორმაციო-პროპაგანდისტური კამპანიის, აგრეთვე, მრგვალი მაგიდების და სხვა ტიპის შეხვედრების (მ.შ. გასვლითი რეგიონული) ციკლის ჩატარება.

პერიოდი: 2015 წელი (მეორე კვარტალი)

პროგრესი/მიმდინარე:

მიმდინარე წლის 4 მაისიდან 15 მაისის ჩათვლით, სახელმწიფო შესყიდვების სააგენტომ მსოფლიო ბანკის ფინანსური მხარდაჭერით ბიზნეს-ორგანიზაციების 38 წარმომადგენელს ჩაუტარა ორ კვირიანი სასწავლო კურსი სააგენტოს სასწავლო ცენტრის ბაზაზე თბილისში.

26 ივნისს, ქ. ქუთაისში, გერმანიის საერთაშორისო თანამშრომლობის საზოგადოების (GIZ) პროგრამის „კერძო სექტორის განვითარება სამხრეთ კავკასიაში“ და საქართველოს სავაჭრო-სამრეწველო პალატის მხარდაჭერით, გაიმართა სახელმწიფო შესყიდვების სააგენტოს და მეწარმეობის განვითარების სააგენტოს ერთობლივი საინფორმაციო შეხვედრა, იმერეთის რეგიონში მოქმედ მცირე და საშუალო ბიზნესის წარმომადგენლებთან. შეხვედრის მიზანი იყო იმერეთის

რეგიონში მოღვაწე ბიზნეს საზოგადოებისთვის ინფორმაციის მიწოდება სახელმწიფო შესყიდვებთან დაკავშირებით და შესყიდვების ერთიანი ელექტრონული სისტემის პოპულარიზაცია.

10 ივლისს, ქ. ბათუმში, გერმანიის საერთაშორისო თანამშრომლობის საზოგადოების (GIZ) პროგრამა „კერძო სექტორის განვითარება სამხრეთ კავკასიაში“ და საქართველოს სავაჭრო-სამრეწველო პალატის მხარდაჭერით გაიმართა სახელმწიფო შესყიდვების სააგენტოსა და მეწარმეობის განვითარების სააგენტოს ერთობლივი საინფორმაციო შეხვედრა, აჭარის რეგიონში მოქმედ მცირე და საშუალო ბიზნესის წარმომადგენლებთან. შეხვედრის მიზანი იყო, აჭარის რეგიონში მოღვაწე ბიზნეს საზოგადოებისთვის ინფორმაციის მიწოდება სახელმწიფო შესყიდვებთან დაკავშირებით და შესყიდვების ერთიანი ელექტრონული სისტემის პოპულარიზაცია. ასევე, საქართველოს მთავრობის მიერ ინიცირებული, სამეწარმეო საქმიანობის ხელშეწყობი ინიციატივები, სსიპ მეწარმეობის განვითარების სააგენტოს მიერ განხორციელებული და დაგეგმილი აქტივობების შესახებ ინფორმაციის მიწოდება.